

名媛彙詩第二卷目錄

五言古詩

漢

班婕妤

怨歌行

蘇武妻

荅外留別

羅敷

陌上桑三解

蔡琰

悲憤詩

卓文君

白頭吟四解

又

徐淑

荅秦嘉

崔氏女

贈盧充

魏

王宋

雜詩二首

文昭甄皇后

塘上行

晉

左芬

荅兄感離

魏華存

與眾真吟

謝道韞

登山

擬稽中散詠松

楊苕華

贈外詩

杜蘭香

贈張碩詩

八月碩復來又贈

翔風

怨詩

劉和妻王氏

正朔

傳統妻辛氏

正元

賈充妻李氏

定情聯句

宋

鮑令暉

擬青青河畔草

擬客從遠方

來

擬自君之出矣

古意贈今人

代葛沙門妻

郭小玉作二首

寄行人

梁

劉令嫺

荅唐孃七夕所穿針

詠佳人

婕妤怨

春閨怨

聽百舌

摘同心梔子贈謝娘因附

此詩

女期不至

代陳慶之美

人為詠

宅寺

題苴蕉葉示

人

夢見故人

沈滿願

戲蕭娘

詠燈

詠五彩竹火

籠

詠步搖花

昭君怨二首

詠殘燈

吳興妓童

贈謝府君

王叔英妻劉氏

昭君怨

暮寒

目録
衛敬瑜妻王氏

連理詩

孤燕詩

陳

沈婺華

答贈后主

陳少女

寄外詩

樂昌公主

餞別自解

新塗李氏

冬至

北魏

謝氏

贈王肅

陳留長公主

代王肅答謝氏

北齊

馮小憐

感琵琶絃贈代王達

隋

侯夫人

自傷

妝成

自遣

自感三首

羅愛愛

閨思

李月素

贈情人

秦玉鸞

憶情人

張碧蘭

寄阮郎

蘇蟬翼

因故人歸有感

吳絳仙

謝賜合歡水果

大義公主

題屏風詩

名媛彙詩第二卷 終

古今名媛五言古詩卷之二

閩中鄭文昂季卿甫編輯

漢

班婕妤

怨歌行

新裂齊紈素皎潔如霜雪裁為合歡扇團團似
明月出入君懷袖動搖微風發常恐秋節至涼
飈奪炎熱棄捐篋笥中恩情中道絕

蘇武妻

答外留別

與君結新婚宿昔當別離涼風動秋草蟋蟀鳴
相隨冽冽寒蟬吟蟬吟抱枯枝枯枝時飛揚身
體忽遷移不悲身體移當惜歲月馳月馳無窮
極會合安可知願爲雙黃鵠悲鳴戲清池

羅敷

陌上桑

日出東南隅照我秦氏樓樓中有好女自名爲
羅敷羅敷喜蠶桑採桑城南隅青絲爲籠紫桂

枝爲籠鈎頭上倭墮髻耳中明月珠紺綺爲下
裙紫綺爲上襦行者見羅敷下擔將髭鬚少年
見羅敷脫帽着幘頭耕者忘其犁耨者忘其鋤
來歸相怒怨但坐觀羅敷

解一

使君從南來五馬立踟躕使君遣吏往問是誰
家姝秦氏有好女自名爲羅敷羅敷年幾何二
十尚不足十五頗有餘使君謝羅敷寧可共載
不羅敷前致辭使君一何愚使君自有婦羅敷

自有夫

解二

東方千餘騎夫壻居上頭何用識夫壻白馬從
驪駒素絲繫馬尾黃金絡馬頭腰中鹿盧劍可
直千萬餘十五府小史二十朝大夫三十侍中
郎四十專城居爲人潔白皙鬚鬢頗有鬚盈盈
公府步冉冉府中趨坐中數千人皆言夫壻殊

解三

蔡琰

悲憤詩

漢季失權柄董卓亂天常志欲圖篡弒先害諸

賢良逼迫遷舊邦擁主以自彊海內興義師欲
共討不祥卓衆來東下金甲耀日光平土人脆
弱來兵皆吾羗獵野圍城邑所向日破亡斬殲
無孑遺尸骸相掌拒馬邊縣男頭馬後載婦女
長驅西入關迥路險且阻還顧邈冥冥肝脾爲
爛腐所畧有萬計不得令屯聚或有骨肉俱欲
言不敢語失意機微間輒言斃降虜要當以停
刃我曹不活汝豈復惜性命不堪其詈罵或便
加捶杖毒痛參并下旦則號泣行夜則悲吟坐

欲死不能得欲生無一可彼蒼者何辜乃遭此
厄禍邊荒與華異人俗少義理處所多霜雪胡
風春夏起翩翩吹我衣肅肅入我耳感時念父
母哀歎無窮已有客從外來聞之常歡喜迎問
其消息輒復非鄉里邂逅徼時願骨肉來迎已
已得自解免當復棄兒子天屬綴人心念別無
會期存亡永乖隔不忍與之辭兒前抱我頸問
母欲何之人言母當去豈復有還時阿母常仁
惻今何更不慈我尚未成人柰何不顧思見此

崩五內恍惚生狂癡號泣手撫摩當發復回疑
兼有同時輩相送告離別慕我獨得歸哀叫聲
摧裂馬爲立踟躕車爲不轉轍觀者皆歔歛行
路亦嗚咽去去割情戀遄征日遐邁悠悠三千
里何時復交會念我出腹子胸臆爲摧敗旣至
家人盡又復無中外城郭爲山林庭宇生荆艾
白骨不知誰從橫無覆蓋出門無人聲豺狼號
且吠竽竽對孤景怛咤糜肝肺登高遠眺望魂
神忽飛逝奄若壽命盡旁人相寬大爲復彊視

息雖生何聊賴託命於新人竭心自勗厲流離
成鄙賤常恐復捐廢人生幾何時懷憂終年歲

卓文君

白頭吟

皚如山上雪皎如雲間月聞君有兩意故來相

決絕

解一

平生共城中何嘗斗酒會今日斗酒會

明日溝水頭蹀躞溝水上溝水東西流

解二

郭東

亦有樵郭西亦有樵兩樵相推與無親爲誰驕

解三

淒淒重淒淒嫁女不須啼願得一心人白首

不相離

解四

又

竹竿何嫋嫋魚尾何離離
徒男兒欲相知何用錢
刀爲齒如馬噉箕川上高士嬉
今日相對樂延年萬歲期

徐淑

答秦嘉

妾身今不令嬰疾今來歸沉滯
今家門歷時兮不差曠廢
今侍覲情敬兮有違君
今奉命遠

逝兮京師悠悠兮離別無因兮敘懷瞻望兮踴躍佇立兮徘徊思君兮感結夢想兮容暉君發兮引邁去我兮日乖恨無兮羽翼高飛兮相追長吟兮永歎淚下兮沾衣

崔氏女

贈盧充

煌煌靈芝質光麗何猗猗華艷當時顯嘉異表神奇含珠未及秀中夏罹霜萎榮耀長幽滅世路永無施不悟陰陽運哲人忽來儀會淺離別速皆由靈與祇何以贈余親金盃可願兒愛恩從此別斷絕傷肝脾

魏

王宋

雜詩二首

翩翩牀前帳張以蔽光輝昔將爾同去今將爾共歸緘藏笥篋裏當復何時披誰言去婦薄去婦情更重千里不唾井况乃昔所奉遠望未爲遙踟躕不得并

文昭甄皇后

塘上行

蒲生我池中其葉何離離
傍能行仁義莫若妾
自知衆口鑠黃金使君生別離
念君去我時獨愁常苦悲
想見君顏色感結傷心脾
念君常苦悲夜夜不能寐
莫以賢豪故棄捐素所愛
莫以魚肉賤棄捐葱與薤
莫以麻枲賤棄捐菅與蒯
出亦復苦愁入亦復苦愁
邊地多悲風樹木何脩脩
從君致獨樂延年壽千秋

晉

左芬

答兄感離

自我去膝下倏忽踰載期
邈邈情彌遠再奉將何時
披省所賜告尋玩悼離詞
彷彿想容儀歔歔不自持
何時當奉面娛目於詩書
何以諱辛苦告情於文辭

魏華存

與衆真吟

玄感妙像外和聲自相招靈雲鬱紫宸蘭風扇
綠輶上真宴瓊室邈爲地仙標所期貴遠邁故
能秀頻翹翫彼八素翰道成初不遼人事則可
預使爾形氣銷

謝道韞

登山

峩峩東嶽高秀極冲青天巖中間虛宇寂寞幽
以玄非工復非匠雲構發自然氣象爾何物遂
令我屢遷逝將宅斯守可以盡天年

擬稽中散詠松

遙望山上松隆冬不能彫願想遊下憇瞻彼萬
仞條騰躍未能升頓足俟王喬時哉不我與大
運所飄飄

楊茗華

贈外詩

人生一世間飄若風過牖清音可娛耳滋味可
適口羅綺可飾軀華冠可耀首安事自翦削耽
空以害有不道妾區區但令君恤後

杜蘭香

贈張碩詩

阿母處靈丘時遊雲霄際衆女待羽儀不出牖
宮外飄輪送我來豈復耻塵穢從吾與福俱嫌
我與禍會

八月碩復來又贈

逍遙雲霧間吁嗟發九嶷流女不稽路弱水何
所之

翔風

怨詩

春華誰不美卒傷秋落時突烟還自低鄙退豈
所期桂芳徒自蠹失愛在蛾眉坐見芳時歇惟
悴空自嗤

劉和妻王氏

正朔

稔爾冥機運迅矣四節經太簇應玄律青陽兆
初正

傅統妻辛氏

正元

正元啓令節嘉慶肇自茲咸奏萬年觴小大回
悅熙

賈充妻李氏

定情聯句

室中是阿誰歎息聲正悲充歎息亦何爲但恐

大義虧李大義同膠漆匪石心不移充人誰不

慮終日月有合離李我心子所達子心我所知

充若能不食言與君同所宜李

宋

鮑令暉

擬青青河畔草

裊裊林窗竹藹藹垂門桐灼灼青軒女泠泠高
堂中明志逸秋霜玉顏掩春紅人生誰不別恨
君早從戎鳴弦慙夜月紺黛羞春風

擬客從遠方來

客從遠方來贈我漆鳴琴木有相思文鳴有別
離音終身執此調歲寒不改心願作陽春曲宮

商長相尋

擬自君之出矣

自君之出矣臨軒不解顏
砧杵夜不發高門晝
常關帳中流熠燿庭前華
紫蘭楊枯識節異鴻
來知客寒遊暮冬盡月除春待君還

古意贈今人

寒鄉無異服羶褐待文練
月月望君歸年年不
解緹荆楊春早和幽冀猶霜霰
北寒妾已知南
心君不見誰爲道辛苦寄情雙飛燕
形迫杼前

絲顏落風催電容華一朝改唯余心不變

代葛沙門妻郭小玉作二首

明月何皎皎垂幌照羅茵
若共相思夜知同憂
怨晨芳華豈矜貌霜露不憐人
君非青雲逝飄
迹事咸秦妾持一生淚經秋復度春

君子將遙役遺我雙題錦
臨當欲去時復留相
思枕題用常著心枕以憶同寢
行行日已遠轉
覺思彌甚

寄行人

桂吐兩三枝蘭開四五葉是時君不歸春風徒
笑妾

梁

劉令嫺

答唐孀七夕所穿針

倡人效漢女靚粧臨月華連針學並蒂縈縷作
開花孀閨絕綺羅攬鏡自傷嗟雖言未相識聞
道出良家曾停霍君騎經過柳惠車無由一共
語暫看日升霞

詠佳人

東家挺奇麗南國擅容輝夜月方神女朝霞喻
洛妃還看鏡中色比艷似知非摘詞徒妙好連
類頓乖違知夫雖已麗傾城未敢希

婕妤怨

日落應門閉愁思百端生况復昭陽近風傳歌
吹聲寵移終不恨纔枉太無情只言爭分理非
妬舞腰輕

春閨怨

花庭麗景斜
蘭牖輕風度
落日更新粧
開簾對
芳樹鳴鸝
葉中舞戲蝶
花間驚調琴
本要歡心
愁不成趣
良會誠非遠
佳期今不遇
欲知幽怨
多春閨深且暮

聽百舌

庭樹旦新晴
臨鏡出雕楹
風吹桃李氣
過傳春
鳥聲盡寫山陽笛
全作洛濱笙
注意留歡聽
誤令教不成

摘同心梔子贈謝娘因附此詩

兩葉雖爲贈
交情永未因
同心何處恨
梔子最關人

有期不至

黃昏信使斷
銜怨心悽悽
迴燈向下榻
轉面聞中啼

代陳慶之美人爲詠

臨妝欲含涕
羞畏家人知
還代粉中絮
擁淚不聽垂

光宅寺

長廊欣送目廣殿悅逢迎何當曲房裏幽隱無人聲

題甘蕉葉示人

夕泣似非疎夢題真太數唯當夜枕知過此無人覺

夢見故人

覺罷方知恨人心定不同誰能對角枕長夜一
邊空

沈滿願

戲蕭娘

明珠翠羽帳金薄綠銷帷因風時暫舉想像見
芳姿清晨擗步搖向晚解羅衣託意風流子佳
情詎自私

詠燈

綺筵日已暮羅帷月未歸開花散鶴采含光出
九微風軒動丹燄水檻淡清輝不畏輕蛾繞惟
恐曉蠅飛

詠五彩竹火籠

可憐潤霜質，織割復毫分。織作回風苧，製爲縈綺文。含芳出珠被，耀彩接湘裙。徒嗟今麗飾，豈念昔凌雲。

詠步搖花

珠花縈翡翠，寶葉間金瓊。剪荷不似製，爲花如自生。低枝拂繡領，微步動瑤瑛。但令雲髻插蛾眉，本易成。

昭君怨二首

早信丹青巧，重貨洛陽師。千金買蟬鬢，百萬寫

蛾眉

今朝猶漢地，明旦入胡關。高堂歌吹送遊子，夢中還。

詠殘燈

殘燈猶未滅，將盡更揚輝。惟餘一兩焰，猶得解羅衣。

吳興妓童

贈謝府君

玉釵空中墮，金鈿行已歇。獨泣謝春風，長夜孤

明月

王叔英妻劉氏

昭君怨

一生竟何定萬事良難保
丹青失舊儀玉匣成
秋草想妾辭關淚至今猶未燥
漢使汝南還殷勤爲人道

暮寒

梅花自爛熳百舌早迎春
逾寒衣逾薄未肯惜
腰身

衛敬瑜妻王氏

連理詩

墓前一株栢連根復並枝
妾心能感木顏城何足奇

孤燕詩

昔時無偶去今春猶獨歸
故人恩義重不忍復雙飛

陳

沈婺華

卷二
答贈后主

誰道不相憶見罷倒成羞情知不肯住教我若
爲留

陳少女

寄外詩

自君上河梁蓬首卧蘭房安得一樽酒慰妾九
迴腸

樂昌公主

餞別自解

今日何遷次新官對舊官笑啼俱不敢方信作
人難

新塗李氏

冬至

靈象尋數迴四氣平運散陰律鼓微陽大明啓
修旦感與時來興心隨逝化歎式宴集中堂賓
客迎朝館

北魏

謝氏

贈王肅

本為箔上蠶今作機上絲得絡逐勝去頗憶纏
絲時

陳留長公主

代王肅答謝氏

謝氏肅故妻也贈肅以詩有弃故之怨因
代肅以答之

鍼是貫絲物目中常維絲得帛縫新去何能納
故時

北齊

馮小憐

感琵琶絃贈代王達

雖蒙今日寵猶憶昔時憐欲知心斷絕應看膝
上絃

隋

侯夫人

自傷

初入承明日深深報未央長門七八載無復見

君王寒春入骨清獨卧愁空房躡履步庭下幽
懷空感傷平日所愛惜自待却非常色美反成
棄命薄何可量君恩實踈遠妾意徒徬徨家豈
無骨肉偏親老北堂此身無羽翼何計出高墻
性命誠所重棄割誠可傷懸帛朱棟上肝腸如
沸湯引頸又自惜有若絲牽腸毅然就死地從
此歸冥鄉

妝成

妝成多自惜夢好却成悲不及楊花意春來到

處飛

自遣

祕洞扃仙卉雕房鎖玉人毛君真可戮不肯寫
昭君

自感三首

庭絕玉輦迹芳草漸成窠隱隱聞簫鼓君恩何
處多

欲泣不成淚悲來翻強歌庭花方爛熳無計柰
春何

春陰正無際獨步意如何不及閑花草翻成雨露多

羅愛愛

閨思

幾當孤月夜遙望七香車羅帶因腰緩金釵逐鬢斜

李月素

贈情人

感郎千金意含嬌抱郎宿試作帷中音羞開燈

前目

秦玉鸞

憶情人

蘭幕蟲聲切椒庭月影斜可憐秦館女不及洛陽花

張碧蘭

寄阮郎

郎如洛陽花妾似武昌柳兩地惜春風何時一攜手

蘇蟬翼

因故人歸有感

郎去何太速郎來何太遲欲借一樽酒共叙十年悲

吳絳仙

謝賜合歡水果

驛使傳雙果君王寵念深寧知辭帝里無復合歡心

大義公主

名媛題屏風詩

盛衰等朝露世道若浮萍榮華實難守池臺終自平富貴今何在空自寫丹青盃酒恒無樂弦歌詎有聲余本皇家子飄流入虜庭一朝覩成敗懷抱忽縱橫古來共如此我非獨申名惟有明君曲偏傷遠嫁情

頰對酥感辨蘇古來共吸此非非爵申各對首
煇瑄百舉余本皇家采鵬飛人與或一博勝及
自平富貴今何去空自寫丹青不盡賦出無樂茲
盜衰華博靈世豈若我華榮華實難守出臺絲
獸風詩

名媛彙詩第三卷目錄

五言古詩

唐

寇垣母趙氏

擬古意三首

鮑君徽

關山月

魚玄機

感懷寄人

魏氏 求已妹

贈外

張琰

春詞二首

蕭妃

夜夢

李冶

寄朱放

相思怨

武后

遊嵩山

張窈窕

上成都卽事

常浩

贈盧夫人

士人妻

別離難

田娥

田寄遠

新羅王金德真

太平詩

蜀

任氏

桐葉詩

周仲美

述懷

宋

韓玉父

題漠口舖

李清照

曉夢

韓希孟曲

書衣帛詩

練裙帶中詩

賈蓬萊

秋夜

元

鄭允端

題耕牧圖

題望夫石

詠鏡

賈紀夢

詠扇

憶妹

聽琴

題秋胡戲妻卷

羅敷曲

狄婉兒

秋夜語薩生

明

周氏

與夫泣別

徐氏

秋日懷姊

尹氏

巫山峽

徐媛

邯鄲才人出為廝養婦

陸卿子

奉懷徐奉常馮夫人

朝鮮女子 二人

許景樊

有所思
望仙謠
古別離

寄仲氏筠

李淑媛

斑竹怨
採蓮曲

小水人

題壁 有序

古今名媛五言古詩卷之三

閩中鄭文昂季卿甫編輯

唐

寇坦母趙氏

擬古意三首

鬱蒸夏將半暑氣扇飛閣驟雨滿空來當軒捲
羅幙度雲開夕霽宇宙何清廓明月流素光輕
風換炎鑠孤鸞傷對影寶瑟悲別鶴君子去不
還搖心欲何托

金菊延清霜玉壺多美酒良人獨不歸芳菲豈
常有不惜芳菲歇但傷別離久含情罷斟酌凝
怨對牕牖

霽雪舒長野寒雲伴秋谷嚴風振枯條啼猿抱
冰木所歎遊宦子少小荷天祿前程未云至
愴對車僕歲寒成詠歌日暮棲林樸不憚行路
險空悲年運促

鮑君微

關山月

高高秋月明北照遼陽城寒迥光初滿風多疊
更生征人望鄉思戰馬聞聲驚朔風悲邊草沙
漠昏虜營霜凝匣中劍風憊原上旌早晚謁金
闕不聞刁斗聲

魚玄機

感懷寄人

恨寄朱絃上含情意不任早知雲雨會未起蕙
蘭心灼灼桃兼李無妨國士尋蒼蒼松與桂仍
羨世人欽月色苔階淨歌聲竹院深門前紅葉

地不掃待知音

魏氏

求已妹

贈外

浮萍依綠水弱蔦寄青松與君結大義移天得
所從翰林無雙鳥劔水不分龍諧和類琴瑟堅
固同膠漆義重恩欲深夷險貴如一本自身不
令積多嬰痛疾朝夕倦牀枕形體耻巾櫛遊子
倦風塵從官初解巾束裝赴南郢脂駕出西秦
比翼終難遂銜柴苦未因徒悲楓岸遠空對柳

園春男兒不重舊丈夫多好新新人喜新聘朝
朝臨妝鏡兩鴛因無比雙蛾誰與競詎憐愁思
人銜啼嗟薄命薜華不足恃松枝有餘勁所願
好九思勿令虧百行

張琰

春詞二首

垂柳鳴黃鸝關關若求友春情不可耐愁殺閨
中婦日暮登高樓誰憐小垂手

又

昨日桃花飛今朝梨花吐春色能幾時那堪此
愁緒蕩子遊不歸春來淚如雨

蕭妃

夜夢

昨日夢君歸賤妾下鳴機極知意氣薄不着去
時衣故言如夢裏賴得鴈書飛

李冶

寄朱放

望水試登山山高湖又濶相思無曉夕想整經

年月鬱鬱山木青綿綿野花發別後無限情相
逢一時說

相思怨

人道海水深不抵相思半海水尚有涯相思渺
無畔携琴上高樓樓虛月華滿彈得相思曲絃
腸一時斷

武后

遊嵩山

陪鑾遊禁苑侍賞出蘭闈雲掩攢峰蓋霞低垂

浪旂日宮疏澗戶月殿啓巖扉金輪轉金地香
閣曳香衣鐸吟輕吹發幡搖薄露扉昔遇焚芝
火山紅迎野飛花臺無半影蓮塔有全輝實賴
能仁力攸資善世威慈緣興福緒於此欲皈依
風枝不可靜泣血竟何追

張窈窕

上成都卽事

昨日賣衣裳今日賣衣裳衣裳渾賣盡羞見嫁
時箱有賣愁仍緩無時心轉傷故園有虜隔何

處事蠶桑

常浩

贈盧夫人

佳人惜顏色恐逐芳菲節日暮出畫堂堦下見
新月拜月仍有詞傍人那得知歸來玉堂下始
覺淚痕垂

士人妻

別離難

此別難重陳花飛復戀人來時梅覆雪去日柳

含春物候催行客歸途淑氣新剡川今已遠魂
夢暗相親

田娥

寄遠

憶昨會詩酒終日相逢迎今來成故事歲月令
人驚淚流紅粉薄風度羅衣輕難爲子猷志虛
負文君名

新羅王金德真

太平詩

大唐開鴻業巍巍皇猷昌止戈戎衣定脩文繼
百王統天崇雨施理物體含章深仁諧日月撫
運邁時康幡旗旣赫赫征鼓何鏗鏗外夷違命
者剪覆被天殃和風凝宇宙遐邇競呈祥四時
調玉燭七曜巡萬方維岳降宰輔維帝任忠良
五三咸一德照我唐家光

蜀

任氏

桐葉詩

拭翠斂蛾眉爲鬱心中事
擲管下庭除書成相思字
此字不書石此字不書紙
書向秋葉上願逐秋風起
天下有心人盡解相思死
天下負心人不識相思字
有心與負心不知落何地

周仲美

述懷

愛妾不愛子爲問此何理
棄官更棄妻人情可已
永訣泗之濱遺言空在耳
三載無朝昏孤幃淚如洗
婦人義從夫一節誓生死
江鄉感殘

春腸斷晚烟起西望太華峰
不知幾千里

宋

韓玉父

題漠口舖

南行踰萬山復入武陽路
黎明與雞興理髮漠口舖
盱江在何所極目烟水暮
生平良自珍羞爲浪子婦
知君非秋胡強顏且西去

李清照

曉夢

曉夢隨踈鐘飄然躡雲霞因緣安期生邂逅萼
綠華秋風正無賴吹盡玉井花共看藕如船同
食棗如瓜翩翩座上客意妙語亦佳嘲辭闢詭
辯活火分新茶雖非助帝功其樂莫可涯人生
能如此何必歸故家起來歛衣坐掩耳厭喧譁
心知不可見念念猶咨嗟

韓希孟

書衣帛詩

妾本良家女性僻守孤梗嫁與尚書兒銜署紫

蘭省直以才德合不弃宿瘤瘦初結合歡帶誓
比日月晒鴛鴦會雙飛比日原常並豈期金石
堅化作桑榆景旄頭勢正然蚩尤氣先屏不意
風馬牛復及此燕郢一方遭劫虜六族死俄頃
退鷁落迅風孤鸞弔空影簪堅折白玉瓶沉斷
青縷一死空冥冥憂心長炳炳妾堅志不移改
邑不改井我本瑚璉器安肯作溺皿志節匪轉
石氣噎如吞鯁不作燭火然願爲死灰冷貪生
念麴蛾乞憐羞虎奔借此清江水葬我全首領

皇天如有知定作血面請願魂化精衛填海使
成嶺

練裙帶中詩

我質本瑚璉宗廟供蘋蘩一朝嬰禍難失身戎
馬間寧當血刃死不作衽席完漢上有王猛江
南無謝安長號赴洪流激烈摧心肝

賈蓬萊

秋夜

幽蘭露華重羅幌涼風動木匣掩香紈綉衾誰

與共螢影度踈簾獸壚寥寥烟銀釭芳焰滅自
脫翠花鈿

元

鄭允端

題耕牧圖

幽人薄世味耕牧山之陰自抱村野姿常懷吠
畝心行行南山歌落落梁甫吟掛書牛角土揮
鋤瓦中金飽飯黃昏後力田春雨深四體勤樹
藝三生悟浮沉巢父世高尚德公人所欽伊人

去已遠高風邈難尋撫卷空歎息俯仰成古今
題望夫石

良人有行役遠在天一方自期三年歸一去凡
幾霜登山臨絕巘引領望歸航歸航望不及躑
躅空徬徨化作山頭石兀立倚穹蒼至今心不
轉日夜遙相望石堅有時爛海枯成田桑石爛
與海枯行人歸故鄉

詠鏡

皎皎奩中鏡相隨越歲年清光何所如明月懸
中天我昔十五餘顏色如花鮮對之理晨粧塗
抹鬪嬋娟近來年頗長貧病相憂煎形容頗老
醜無復施朱鉛今朝鏡亦昏塵垢食連錢相看
自黯黯焉能分媼妍人生有盛衰物情隨變遷
世間類如此何用增慨然

紀夢

麻姑古仙人忽然形夢寐初焉不相識儼然一
處女年可十七八指爪長有咫高髻青霞衣餘
髮散如縷自云接待來三變桑田水近過蓬萊

山弱水亦清泚招我西家遊池頭見阿姬余笑
而不言飄飄自高舉仰望空雲烟夢見發長喟

詠扇

陽烏怒不飛炎熱那能止團扇製霜紈華堂奉
君子動搖清風生煩熯浮如洗一夕秋風高商
飈逐殘暑不得奉周旋棄擲勿復取世態有炎
涼中心無彼此用舍故有時行藏存諸理二者
有是夫惟我與爾耳

憶妹

有妹隨夫壻之官在匡廬到今年久音問絕
來書近聞羣盜起總在大江西所到剽城邑殺
人血成渠不知患難中生死竟何如懷哉鶴鴿
原獨坐渺愁予

聽琴

夜深衆籟寂天空缺月明幽人據槁梧逸響發
清聲一韻再三彈中含太古情坐深聽未久山
水有餘清子期旣物化賞心誰與并感慨意不
已天地空崢嶸

題秋胡戲妻卷

婉彼魯姬姜出採林下桑遠人何處來下馬古
道傍黃金致微言少年爲貴郎婦人秉素心鐵
石填衷腸豈爲物所移古井波瀾揚謂謝道傍
子請歌行路章

羅敷曲

邯鄲秦氏女辛苦爲蠶忙清晨出採桑採桑不
盈筐使君從南來五馬多輝光相逢在桑下遺
我雙鳴璫聽婦前致辭卑賤那可當使君自有
婦羅敷自有郎請君上馬去長歌陌上桑

狄婉兒

秋夜語薩生

團團月桂滿藹藹秋蘭芳桂影天外飄蘭生王
者香賤軀入風塵羞此桂蘭房歡狎但下帶厭
浥時沾裳今喜得君意長願侍君牀雉朝雊嘉
樹鴟暮據盤桑擬載指南車相逢返北堂共逐
行雲去瞻望明星光銀鐙漫隱約玉佩解鏗鏘
脫此圍鸞棲盼彼遠羊腸行歸作君婦生死無

相忘

明

周氏

與夫泣別

去燕有歸期去婦長別離
 妾有堂堂夫妾有呱呱
 兒撒了夫與子出門欲何之
 有聲空嗚咽有淚徒漣而
 百病皆有藥此病諒難醫
 丈夫心翻覆曾不記當時
 山盟與海誓瞬息有更移
 吁嗟一女婦方寸有天知

徐氏

秋日懷姊

日夕登郡樓望遠意悠悠
 四顧何蕭條淒涼景物秋
 嗷嗷雲中鳥翩翩呼其儔
 鬱鬱堂前樹蒼蒼枝上
 樛因之懷同氣撫景雙涕
 流臨風無限恨憑軒獨
 夷猶

夷猶將何見惻惻使心傷
 歷歷衆星光杳杳夜何長
 感時起百意悽然懷故鄉
 况復高秋夕兩地遙相望

名媛彙詩

卷三

十三

相望隔雲天執手在何年言將玄鴈寄心與白
日懸生平懷壯志慷慨景前賢窮理期入粵舉
筆思無邊棣華不復覲此意與誰傳願爲雙鶴
鴛寥廓共聯翩

尹氏

巫山峽

一往深如許孤光拖積翠滿江波聲急十二峰
清媚少焉岸如劈孤烟頂上膩瀑布吹晴雪响
與江聲二

徐媛

邯鄲才人出爲廝養婦

傾國有佳人言自邯鄲里十五揚青蛾含嬌理
文梓茜服炫朝霞芙蓉鮮步底一旦離璇宮銜
啼歸監子舞影向風翔歌珠壓塵死腰裊羅帶
寬香膏逐漳水昔者奉音徽芳華衆所歸今來
驟衰謝羅綺夢中稀君恩豈飛露傍草畏朝晞

陸卿子

奉懷徐奉常馮夫人

層巒鬱嵯峨煙雲澹迴互之子枉清盼霞飛廓
天路窈窕碧落間飄飄神仙步斂迹下瑤岑攝
境展玄圃芳香凝晝靄雅服揚晨霧澹矣湛寒
流擘彼麗春煦撫景共逍遙欸語輸情素永託
金蘭契願爲膠漆固揮戈回躍烏竊藥邀潛兔
七曜並時明千載歡相晤

朝鮮女子 二人

許景樊

有所思

朝亦有所思暮亦有所思所思在何處萬里路
無涯風波苦難越雲鴈杳何期素書不可託中
情亂若絲

望仙謠

王喬呼我游期我崑崙墟朝登玄圃峰遙望紫
雲車紫雲何煌煌玉浦正渺茫倏忽凌天漢翻
飛向扶桑扶桑幾千里風波阻且長我欲舍此
去佳期安可忘君心知何許賤妾徒悲傷

古別離

麟麟雙車輪一日千萬轉同心不同車別離時
屢變車輪尚有迹相思獨不見

寄仲氏箴

暗窻銀燭低流螢度高閣悄悄深夜寒蕭蕭秋
葉落關河音信稀沉憂不可釋遙想青蓮宮山
空蘿月白

李淑媛

斑竹怨

二妃昔追帝南奔湘水間有淚寄湘竹至今湘

竹斑雲深九疑廟日落蒼梧山餘恨在江水滔
滔去不還

採蓮曲

南湖採蓮女日日南湖歸淺渚菱子滿深潭荷
葉稀盪漿嬌無力水濺越羅衣無心却迴棹貪
看鴛鴦飛

小水人

題壁

有序

安城彭姓者築菴山中命奴守之暮有女

子自稱小木人徑入臥室奴因拒之婦云
只見船泊岸不見岸泊船何無情如此因
近奴身自解下體奴疑爲恠遂各榻而寢
夜中又登奴榻奴舉而擲之輕如一葉奴
懼起取佛經執之女笑云經從佛出佛豈
在經耶汝謂畏誠畏經耶天將曙起擊菴
鐘女云莫打莫打打得人頭碎取髻上牙
梳掠畢而去奴出觀所向忽入松林不見
壁上有詩云云

妾住小水邊君住青山下青年不可再日日坐
成夜只見船泊岸不見岸泊船豈能源谷裏風
雨誤芳年薄情君拋棄咫尺萬里遠一夜月空
明芭蕉心不展解下綠羅裙無情對有情那知
妾意重只道妾身輕經從佛口出佛不在經裏
郎在妾心頭郎身隔萬里月色照羅衣永夜不
得寐莫打五更鐘打得人心碎

名媛彙詩
卷三
頃亦妾心西望良關萬里月
空關水來空不
妾意重只道妾良雖到漸
山出漸來空歸來
陽草薰心不與離下絲羅
縣無漸從有漸從
雨晴芳草漸青綠
漸翠只具
漸白
漸不具
漸前
漸豈
漸湘
漸谷
裏風
妾卦
小木
變哉
卦
青山
下
青
平
不
可
再
日
日
坐

名媛彙詩第四卷目錄
七言古詩

漢

蔡琰

悲憤詩

蘇伯玉妻

盤中詩

齊

蘇小小

和馬浩蘭

梁

沈滿願

晨風行

王叔英妻劉氏

贈外

木蘭

戍邊詩

北魏

胡后

楊白花

北齊

盧士琛妻崔氏

饋面辭

隋

侯夫人

看梅二首

唐

郎大家宋氏

擬晉女劉妙容宛轉歌二首

朝雲引

長相思

杜羔妻趙氏

雜言寄杜羔

長孫佐轉妻

答外

張夫人

古意

拜新月

裴羽仙

寄征衣

李冶

聽蕭叔子彈琴賦得三峽流泉歌

鮑君徽

惜春花

劉雲

有所思

婕妤怨

蔣勳

贈鄭女古意

張琰

銅雀臺

劉瑤

古意曲

暗別離

廉氏

峽中郎事

田娥

携手曲

程長文

獄中書情上使君

銅雀臺

章臺柳

答韓節度

夷陵女子

歌

又

夷刺女子

答韓簡叟

章臺淋

淵中書畫一刺

野異文

雕甍臺

古今名媛七言古詩卷之四

閩中鄭文昂季卿甫編輯

漢

蔡琰

悲憤詩

嗟薄祐兮遭世患宗族殄兮門戶單身執畧兮
入西關歷險阻兮之羗蠻山谷眇兮路漫漫眷
東顧兮但悲歎冥當寢兮不能安饑當食兮不
能餐常流涕兮背不乾薄志節兮念死難雖苟

活兮無形顏惟彼方兮遠陽精陰氣凝兮雪夏
零沙漠壅兮塵冥冥有草木兮春不榮人似禽
兮食臭腥言堯離兮狀窈停歲聿暮兮時邁征
夜悠長兮禁門扃不能寐兮起屏營登胡殿兮
臨廣庭玄雲合兮翳月星北風厲兮肅冷冷胡
笳動兮邊馬鳴孤鴈歸兮聲嚶嚶樂人興兮彈
琴箏音相和兮悲且清心吐思兮胸憤盈欲舒
氣兮恐彼驚兮哀咽兮涕沾頸家旣迎兮當歸
寧臨長路兮捐所生兒呼母兮啼失聲我掩耳
兮不忍聽追持我兮走乳乳頓復起兮毀顏形
還顧之兮破人情心恒絕兮死復生

蘇伯玉妻

盤中詩

伯玉被使在蜀久而不歸其妻居長安思
念之因作此詩寫之盤中屈曲成文故云
盤中詩也

山樹高鳥鳴悲泉水深鯉魚肥空倉鵲常苦饑
吏人婦會夫希出門望見白衣謂當是而更非

還入門中心悲北上堂西入階急機絞杼聲催
長歎息當語誰君有行妾念之出有日還無期
結巾帶長相思君忘妾未知之妾忘君罪當治
妾有行宜知之黃者金白者玉高者山下者谷
姓者蘇字伯玉人才多知謀足家居長安身在
蜀何惜馬蹄歸不數羊肉千斤酒百斛令君馬
肥麥與粟今時人知四足與其書不能讀當從
中央周四角
齊

蘇小小

和馬浩淵

此地曾經歌舞來風流回首卽塵埃王孫芳草
爲誰綠寒食梨花無主開郎去排雲叫閭闔妾
今行雨在陽臺衷情訴與遼東鶴松栢西陵正
可哀

梁

沈滿願

晨風行

理楫令舟人停艫息旅薄河津念君劬勞冒風
塵臨路揮袂淚沾巾飈流勁潤逝若飛山高帆
急絕音微留子句句獨言歸中心乳乳將依誰
風彌葉落永離索神往形返情錯漠循帶易緩
愁難却心之憂矣頗銷鑠

王叔英妻劉氏

贈外

粧鉛點黛拂輕紅鳴環動佩出房櫳看梅復看
柳淚滿春山中

木蘭

戍邊詩

文選作
木蘭辭

唧唧復唧唧木蘭當戶織不聞機杼聲唯聞女
歎息問女何所思問女何所憶女亦無所思女
亦無所憶昨夜見君帖可汗大點兵軍書十二
卷卷卷有爺名阿爺無大兒木蘭無長兄願爲
市鞍馬從此替爺征東市買駿馬西市買鞍韉
南市買轡頭北市買長鞭朝辭爺孃去暮宿黃
河邊不聞爺孃喚女聲但聞黃河流水鳴濺濺

日辭黃河去。暮至黑山頭。不聞爺娘喚女聲。但
聞燕山胡騎聲。啾啾萬里赴戎機。關山度若飛。
朔氣傳金柝。寒光照鐵衣。將軍百戰死。壯士十
年歸。歸來見天子。天子坐明堂。策勲十二轉。賞
賜百千強。可汗問所欲。木蘭不用尚書郎。願借
明駝千里足。送兒還故鄉。爺孃聞女來。出郭相
扶將。阿妹聞姊來。當戶理紅粧。小弟聞姊來。磨
刀霍霍向豬羊。開我東閣門。坐我西間牀。脫我
戰時袍。着我舊時裳。當窗理雲鬢。對鏡貼花黃。
走。安能辯我是雄雌。

北魏

胡后

楊白花

陽春二三月。楊柳齊作花。春風一夜入。閨闈楊
花飄蕩落南家。含情出戶脚無力。拾得楊花淚
沾臆。秋去春還雙燕子。願銜楊花入窠裏。

北齊

盧士琛妻崔氏

饋面辭

取紅花取白雪與兒洗面作光悅
取白雪取紅花與兒洗面作光澤
取紅花取白雪與兒洗面作妍華
取花紅取雪白與兒洗面作華容

隋

侯夫人

看梅二首

砌雪無消日捲簾時自嚮庭梅對
我有憐意先露枝頭一點春

香清寒艷好誰惜似天真玉梅謝
後陽和至散與羣芳自在春

唐

郎大家宋氏

擬晉女劉妙容宛轉歌二首

日已暮長簷鳥聲度望君君不來
思君君不顧歌宛轉宛轉那能異
棲宿願為形與影出入恒

相逐

風已清月朗琴復鳴掩抑非千態殷勤是一聲
歌宛轉宛轉和且長願爲雙黃鵠比翼共翱翔

朝雲引

巴西巫峽指巴東朝雲觸石上朝空巫山巫峽
高何已行雲行雨一時起一時起三春暮若言
來且就陽臺路

長相思

長相思又離別關山阻風烟絕臺上鏡文銷袖

中書字滅不見君形影何曾有懽悅

杜羔妻趙氏

雜言寄杜羔

從君淮海遊再過蘭杜秋歸來未須臾又欲向
梁州梁州秦嶺西棧道與雲齊羗虜萬餘落戟
矛自高低已念寡儔侶復慮勞攀躋丈夫重志
氣兒女空悲啼臨邛滯遊地肯顧濁水泥人生
賦命有厚薄君但遨遊妾寂寞

長孫佐轉妻

卷四
答外

征人去年戍邊水夜得邊書字盈紙揮刀就燭
裁紅綺結作同心答千里君寄邊書書莫絕妾
答同心心自結同心再解不心離離字頻看字
愁滅結成一衣和淚封封書只在懷袖中莫如
書字固難久願學同心長可同

張夫人

古意

輓轡曉轉素絲縷桐聲夜落蒼苔磚涓涓吹溜

若時雨濯濯嘉蔬非用天丈人不解此中意抱
甕當時徒自賢

拜新月

拜新月拜月出堂前暗魄深籠桂虛弓未引弦
拜新月拜月妝樓上鸞鏡未安臺蛾眉已相向
拜新月拜月不勝情庭前風露清月臨人自老
人望月長生東家阿母亦拜月一拜一悲聲斷
絕昔年拜月騁容儀如今拜月淚雙垂回看衆
女拜新月却憶閨中年少時

裴羽仙

寄征衣

深閨乍冷開香匣玉筯微微濕紅頰一陣香風
殺柳條濃烟半夜成黃葉重重白練如霜雪獨
下寒階轉淒切祇知抱杵搗秋砧不覺高樓已
無月時聞寒鴈相呼喚紗窗只有燈相伴幾展
齊紈又懶裁離腸空逐金刀斷細想儀形執刀
尺回刀剪破澄江色愁捻銀針信手縫惆悵無
人試寬窄時時舉袖勻殘淚紅牋謾有千行字

書中不盡心中事一半殷勤托邊使

李冶

聽蕭叔子彈琴賦得三峽流泉歌

妾家本住巫山雲巫山流泉常自聞玉琴彈出
轉寂寞宜是當時夢中聽巫峽迢迢幾千里一
時流入深閨裏巨石崩崖指下生飛泉走浪絃
中起初疑憤怒含雷風又似嗚咽流不通回湍
曲瀨勢將盡時復滴瀝平沙中憶昔阮公爲此
曲能使仲容聽不足一彈旣罷還一彈願比流

泉鎮相續

鮑君微

惜春花

枝上花花下人可惜顏色俱青春昨日看花花
灼灼今日看花花欲落不如盡此花下歡莫待
春風總吹却鶯歌蝶舞媚韶光紅壚煮茗松花
香粧成吟態恣遊樂獨把花枝歸洞房

劉雲

有所思

朝亦有所思暮亦有所思登樓望君處靄靄蕭
關道掩淚向浮雲誰知妾懷抱玉井蒼苔青院
深桐花落盡無人掃

婕妤怨

君恩不可見妾豈如秋扇秋扇尚有時妾身永
微賤莫言朝花不復落嬌容幾奪昭陽殿

蔣韞

贈鄭女古意

昨夜巫山中失却陽臺女朝來香閣重獨伴楚

王語艷陽灼灼河洛神珠簾繡戶青樓春能彈
箜篌弄纖指愁殺門外少年子笑開一面紅粉
妝東園幾處桃花死朝理曲暮理曲獨坐窗前
一片玉行也嬌坐也嬌見之令人魂魄銷堂前
錦褥紅地鑪綠沉香榼傾屠蘇解佩時時歇歌
管芙蓉帳裏蘭麝滿晚起羅衣香不斷滅燭每
嫌秋夜短

張琰

銅雀臺

君王冥冥不可見銅雀歌舞空徘徊西陵嘖嘖
悲宿鳥空殿沉沉閉青苔青苔無人跡紅粉空
相哀

劉瑤

古意曲

梧桐階下月團團洞房如水秋夜闌吳刀剪破
機頭錦茱萸花墜相思枕綠窗寂寞背燈時暗
數寒更不成寢

暗別離

卷四
槐花結子桐葉焦單飛越鳥啼青宵翠軒輾雲
輕遙遙胭脂淚迸紅線條瑤草歇芳心耿耿玉
佩無聲畫屏冷朱絃暗斷不見人風動花枝月
中影青鸞脉脉西飛去海濶天高不知處

廉氏

峽中卽事

清秋三峽此中去鳴鳥孤猿不可聞一道水聲
多亂石四時天氣少晴雲日暮泛舟溪淑口那
堪夜永思氛氳

田娥

携手曲

携手共惜芳菲節鶯啼錦花滿城闕行樂逶迤
念容色色衰祗恐君恩歇鳳笙龍管白日陰盈
虧自感中天月

程長文

獄中書情上使君

妾家本住鄱陽曲一片堅心比孤竹當年二八
盛容儀紅牋草隸恰如飛盡日閑窗刺繡坐有

時極浦採蓮歸誰道貧居守邑都幽居寂寞無人入
入海燕朝歸枕席寒山花夜落堦墀濕強暴之男何所爲
手持白刃向簾幃一命任從刀下死千金豈受暗中欺
我心匪石情難轉志奪秋霜意不移血濺羅衣終不恨
瘡粘錦袖亦何辭縣僚曾未知情緒即使教人繫囹圄
朱脣滴瀝獨含冤玉筯闌干歎非所十月寒更更愁人一
聞擊柝一傷神高髻不梳雲已散蛾眉淡掃月仍新
三尺嚴章焉可越百年心事向誰說但看

洗雪出圓扉始信白圭無玷缺

銅雀臺

君王去後行人絕簫箏不響歌喉咽雄劍無威
光彩沉寶琴零落金星滅玉階寂寞墜秋露月
照當時歌舞處當時歌舞人不回化爲今日西
陵灰

章臺柳

答韓節度

楊柳枝芳菲節可恨年年贈離別一葉隨風忽

報秋縱使君來豈堪折

夷陵女子

歌

明月清風良宵會同星河易翻歡娛不終綠樽
翠杓為君斟酌今夕不飲何時歡樂

又

楊柳楊柳裊裊隨風急西樓美人春夢中翠簾
斜捲千條入

名媛彙詩第五卷目錄

七言古詩

宋

朱淑貞

秋日行 湖上詠月 春日行

代人謝見惠墨竹 喜雨

苦熱聞田夫語有感

朱后

怨歌二首

魏夫人

虞美人草

盼盼

惜春容

李清照

感懷詩

遼

遼后

回心院詞十首

元

鄭奎妻

四時詞四首

愛月夜眠遲

弄花香滿衣

鄭允端

題山水障歌

吳人嫁女辭

吳伯固女

擬搗衣曲

惜花春起早

掬水月在手

寄外

阿濫主

愁憤詩

余季女

招外五首

明

宋氏

題郵亭壁歌

朱靜庵

春睡詞

甄氏

節婦歌

劉方

和燕巢二首

又

郭愛

京邸病革自哀

陳少卿妻

名媛彙詩

目錄卷五

寄外

俞節婦

早起口號

陸卿子

西湖行

贈毗陵安美人

徐媛

秋夜效李長吉體

後行路難

朝鮮女子二人

許景樊

山嵐

湘絃謠

洞仙謠

李淑媛

古別離

楊慎妻黃氏

文君

鶯鶯

章節婦

見志詩

尹氏

病愁

文藝

鶯鶯及安夫人

謝道韞黃丸

古風

後行路難

李賀

山嵐

賦詩

臥山齋

古今名媛七言古詩卷之五

閩中鄭文昂季卿甫編輯

宋

朱淑貞

秋日行

蕭瑟西風起何處庭前葉葉驚梧樹萬物收成
天地肅田家芋粟初登圃杳杳高穹片水清
點秋鵬翥雲路淒淒空曠雨初晴涼飈動地收
殘暑高樓玉笛應清商天外數聲鴻鴈度園林

草木半含黃籬菊黃金花正吐池上枯楊噪晚
蟬愁蓮蔌蔌啼殘露可憐秋色與春風幾度榮
枯新復古

湖上詠月

清宵三五涼風發湖上閑吟步明月涓涓流水
淺又清皎潔長空纖靄滅水光月色環相連可
憐清景兩奇絕

春日行

春雲漠漠連春空映堦草色綠茸茸不寒不煖

雨新霽滿城佳氣浮葱葱岸柳依依微烟籠園
林淡蕩催花風東君造化一何工施青繪紫復
勻紅多少閒花與凡卉不論妍醜爭天濃燕舞
鶯歌晷晷永簾幙無人門宇靜何處飛來雙蛺
蝶翩翩飛入尋香徑可憐春色都九旬朝懽暮
讌歸王孫禿毫寫紙屬詩人長歌短什勞精神
長歌短什聊自適豈有佳句生陽春

代人謝見惠墨竹

紛紛桃李皆凡俗四時之中惟有竹非惟蒼翠

列風輕對之自覺清人肉美君年少多才藝筆
墨潛偷造化力掃出一枝爰惠我清陰翠色驚
滿幅嗟我得之喜何似貪夫忽獲珠盈斛朝夕
捧玩不知疲如在太白樓上宿遽令標軸掛壁
間勁節直日長目前不必溪邊尋六逸不必林
間訪七賢豈使閻本與王維獨擅古今稱神師
又有屏間名浪得誤墨成形何足奇未若一筆
掃一枝渭川移來人莫疑珍藏欲默默不得命
牋索筆成新詩詩窮紙滿意不盡閣筆無語隗

才稀

喜雨

赤日炎炎燒八荒田中無雨苗半黃天工不放
老龍懶赤電驅雷雲四方瓊瑰萬斛寫碧落陂
湖池沼皆泱泱高田低田盡沾澤農喜禾無枯
槁傷我皇聖德布寰宇六月青天降甘雨四海
咸蒙滂沛恩九州盡解焦熬苦傾盆勢歇塵點
無衣袂生涼罷揮羽江上數峰天外青眼界增
明快心腑炎熱一洗無留迹頓覺好風生兩腋

紗厨湘簟爽氣清
沉李削瓜浮玉液
傍池占得秋氣多
尚餘珠點綴圓荷
樓頭月上雲散盡
遠水連天天接波

苦熱聞田夫語有感

日輪推火燒長空
正是六月三伏中
旱雲高疊赤不雨
地裂河枯塵起風
農憂田畝死禾黍
車水救田無暫處
日長饑渴喉嚨焦
汗血勤勞誰與語
播插耕耘功已足
尚愁秋晚無成熟
雲霓不至空自忙
恨不擡頭向天哭
寄語豪家輕薄

兒綸巾羽扇將何爲
田中青稻半黃槁
安坐高堂知不知

朱后

怨歌二首

幼富貴兮厭綺羅
裳長入宮兮奉尊王
今委頓兮流落異鄉
嗟造物兮速死爲強

昔居天下兮珠宮貝闕
今日草莽兮事何可說
屈身辱志兮恨何可雪
誓速歸泉下兮此愁可絕

魏夫人

虞美人

鴻門玉斗紛如雪十萬降兵夜流血咸陽宮殿
三月紅霸業已隨灰燼滅剛強必死仁義王陰
陵失道非天亡英雄本學萬人敵何用屑屑悲
紅粧三軍散盡旌旗倒玉帳佳人坐中老香魂
夜逐劍光飛青血化爲原上草芳心寂寞倚寒
枝舊曲聞來似斂眉哀怨徘徊愁不語恰如夜
聽楚歌時滔滔逝水流今古漢楚興亡兩丘土

當年遺事久成空慷慨尊前爲誰舞

盼盼

惜春容

少年看花雙鬢綠走馬章臺管絃逐而今老更
惜花深終日看花看不足坐中美女顏如玉爲
我一歌金縷曲歸時壓得帽簷欹頭上春風紅
簌簌

李清照

感懷詩

寒窓敗几無書史公路可憐合至此青州從事
孔方君終日紛紛喜生事作詩謝絕聊閉門燕
寢凝香有佳思靜中我乃得至交烏有先生子
虛子

遼

遼后

回心院詞十首

埽深殿閉久金鋪暗游絲絡網塵作堆積歲青
苔厚塔面埽深殿待君宴


拂象牀憑夢借高唐敲壞半邊知妾卧恰當天
處少輝光拂象牀待君王

換香枕一半無雲錦爲是秋來展轉多更有雙
雙淚痕滲換香枕待君寢

鋪翠被羞殺鴛鴦對猶憶當時叫合歡而今獨
覆相思塊鋪翠被待君睡

裝繡帳金鈎未敢上解却四角夜光珠不教照
見愁模樣裝繡帳待君眠

登錦茵重重空自陳只願身當白玉體不願伊



原件短缺

P7-P9

當薄命人登錦茵待君臨

展瑤席花笑三韓碧笑妾新鋪玉一牀從來婦
權不終夕展瑤席待君息

剔銀燈須知一樣明偏是君來生彩暈對妾故
作青熒熒剔銀燈待君行

爇熏壚能將孤悶蘇若道妾身多穢賤自沾御
香香徹膚爇熏壚待君娛

張鳴箏恰恰語嬌鶯一從彈作房中曲常和窓
前風雨聲張鳴箏待君聽

吳人嫁女辭

種花莫種官路傍嫁女莫嫁諸侯王種花官道
人將取嫁女侯王不久長花落色衰人易變離
鸞鏡破終成怨不如嫁與田舍郎白首相看不
下堂

吳伯固女

寄外

昔君曾奏三千牘凜凜文風誰敢觸鄉老薦賢
親獻書邦侯勸駕勤推轂馬頭三控登長途謂

君此去離場屋整頓羅衣出送君珠淚盈盈垂
兩目枕前一一向君言馬頭猶自叮嚀囑青衫
寸祿少歸榮莫遣妾心成局促秋天冬暮風雪
寒對鏡懶把金蟬簇夢魂夜夜到君邊覺來寂
寞鴛鴦獨此時行坐悶窗紗忍淚含情眉黛蹙
古人惜別日三秋不知君去幾多宿山高水濶
三千里名利使人復爾耳昔年曾撥伯牙絃未
遇知音莫怨天去年又奏相如賦漢殿依前還
不遇時人不知雙字訛平川倏忽起風波當時

南宮聽罷音教妾沉吟忖中心爲君滴下紅粉
淚紅羅帳裡濕鴛鴦衾憤憤調琴蟬鵲噪默默吟
詩怨桂林千調萬撥不成曲爭那胸中氣相掬
千思萬想不成詩心如灰那得知料得君心
當此際事國繁華閒田地朝朝暮暮望君歸日
在東隅月在西碧落翩翩飛過鴈青山切切子
規啼望盡一月復一月不見音容寸腸結又聞
君自河東來夜夜不教紅燭滅雞鳴犬吠側耳
聽寂寂不聞車馬音自此知君無定止一片情

懷冷如水既無黃耳寄家書也合隨時寄鴈魚
日月逡巡又一年何事歸期竟杳然堂上雙親
髮垂白用盡倚門多少力孟郊曾試遊子行陟
帖如何不見情室中兒女一雙雙頻問如何客
異鄉異鄉知是育才處人情不免且契慕低頭
含淚告兒女遊必有方况得所八月涼風滿道
途好整征鞍尋舊路吾鄉雖曰俊秀才往往怕
君頭角露聖朝飛詔下來春青氈早早慰雙親
飛龍公道取科第男兒事業公卿志筆下密密

爲君言書中重重寫妾意秋林有聲秋夜長願
君莫把斯文棄

阿褫主

愁憤詩

吾家住在鴈門深一片閒雲到滇海心懸明月
照青天青天不語今三載欲隨明月到蒼山誤

我一生踏裏彩

胡錦被名

吐噲吐噲段阿奴

吐噲華言可惜

施宗施秀同奴反雲片波潏不見人押不蘆花
顏色改

押不蘆花乃起灰回生草

肉屏獨坐細思量

肉屏乃駱駝背

西山鐵立霜瀟灑

鐵立乃松林也

余季女

招外五首

妾誰怨兮薄命一氣孔神兮化生若甌春山娟
兮秋水淨秉貞潔兮妾之性聊復歌兮遣興
夜夢兮食梨命靈氛兮與余占之曰行道兮遲
遲歛角枕兮粲如風動帷兮心悲
雲黯黯兮雪飛棘夫子介兮如石苦復留兮不
得望平原兮太息涕泗橫兮沾臆

送子去兮春樹青望子來兮秋樹零樹有枝兮
枝有英我胡爲兮玃玃子在此兮山城
織女兮牛郎豈謂化兮爲參商欲徑渡兮河無
梁霜露侵襲兮病偃在牀嗟嗟夫子兮誰與縫
裳

明

宋氏

題郵亭壁歌

郵亭咫尺堪投宿手握親姑憇茅屋抱薪就地

卷五
旋鋪攤支願相向吞聲哭傍人問我是何方俛
首哀哀訴衷曲妾家祖居金華府海道曾爲上
千戶舉艘運粟大都回金牌勅賜雙飛虎兄弟
晦迹隱山林甘學崇文不崇武金朝玉殿宋學
士亦與妾家同一譜笄年嫁向衢州城夫婿好
學明詩經離騷子史徧搜覽志欲出任甦蒼生
前春罷邑忽交辟辭親千里趨神京丹墀對策
中殿舉馳書歸報泥金名承恩拜除閩州守飄
然畫舫西南行到官未幾訪遺老要把奸頑盡

除掃日則升堂治公務夜則挑燈理文稿守廉
不使纖塵污執法致遭僚佐怒府推獲罪苦相
扳察院來提有誰訴臨行囊橐無錙銖惟有舊
日將去書城中父老泣相送道傍過者咸嗟吁
一時徵贓動盈萬妾夫自料無從辦經旬苦打
不成招暗囑家人莫送飯嗟呼餓死囹圄中旗
軍原籍來抄封當時指望耀門戶豈其一旦畚
成空親隣憐妾貧如洗斂鈔殷勤饋行李伶仃
三口到京師奉旨編軍戍金齒阿弟遠送龍江

邊臨岐抱頭哭向天姊南弟北兩相痛別後再
會知何年開船未遠子病倒求醫問卜皆難保
武昌城外野坡前白骨誰憐葬青草初然有子
相依傍身安且不憂家蕩如今子死姑年高縱
到雲南有誰望八月官船渡常德促裝登途整
行色空林日暮鷓鴣啼聲聲叫道行不得上山
險如登天梯百戶發放來取齊雨晴泥滑把姑
手一步一仆身沾泥晚來走向營中宿神思昏
昏倦無力五更睡重起身遲飯鍋未熟旗頭逼

翻思昔日深閨內遠行不出中門外融融日影
上欄杆花落庭前鳥聲碎瑤髻斜簪金鳳翹翠
雲蟬鬢蛾眉嬌綉床新綉雙蝴蝶坐久尚怯春
風饒豈知一旦夫亾後萬里遐荒要親走半途
日暮姑云饑欲丐奉姑羞舉口同來一婦天台
人情懷薄似秋空雲喪夫未經二十日畫眉重
嫁鹽商君血色紅裙繡羅襖終日騎驢涉長道
穩坐不知行路難揚鞭咲指青山小取歡但感
新人心那憶舊夫恩愛深吁嗟風俗日頹敗廢

盡大義貪黃金妾心汪汪淡如水寧受饑寒不
受耻幾回欲葬江魚腹姑存未敢先求死前途
姑身少康健辛苦奉姑終不怨姑亡妾亦隨姑
亡地下何慚見夫面說罷傷心淚如雨咽咽垂
頭不成語路傍過者爲酸心隔嶺孤猿叫何許

朱靜庵

春睡詞

茸茸芳草含新綠露井天桃錦雲簇石闌干外
早鶯啼又喚春光到華屋綺窻花影搖玲瓏玉

人夢破春溶溶雲鬟半鞦鳳釵滑枕痕一縷消
輕紅香汗輕輕透衾濕含情欲起嬌無力海棠
庭院鳥聲和睡足東風一竿日

甄氏

節婦歌

泉流不歸山雨落不上天妾心死不回金石無
全堅白日經中天倏忽沉西海妾心日不如長
夜瞳瞳光不改明月懸清輝三五二八圓又虧
妾心月不如一圓耿耿無虧時妾心一寸鐵不

與紅壚滅妾心萬鈞石不觸洪濤裂妾髮可剪
妾頭可截妾心之白不可涅憶妾二十春結髮
事良人焉知三載皇天傾羅幃綉幙生素塵懷
中五歲兒水上浮漚淪白髮蕭蕭垂老親絲衣
零落空悲辛吾聞陳孝婦夫歿養姑心愈固朱
幢入奏丹書來黃金北斗高門戶又聞杞良妻
一哭梁山傾精神變天地黃土非無情君不見
章臺女傾城華去年嫁東憐今年歸西家顏色
皎皎如桃花桃花貪結子紅顏不惜汚泥沙回

首天漢上雙鳳縹縹凌紫霞蓬萊仰面空咨嗟

劉方

和燕巢 二首

營巢燕雙雙飛天設雌雄事久期雌兮得雄願
已足雄兮將雌胡不知

又

營巢燕聲呶呶莫使青春空歲月可憐和氏忠
且純何事楚君終不納

郭愛

京邸病革自哀

修短有數兮不自較也生而如夢兮死則覺也
先吾親而歸兮獨慚予之不孝也心悽悽而不
能已兮是則可悼也

陳少卿妻

寄外

野鷄羽毛好不如家鷄能報曉新人貌如花不
如舊人能績麻績麻做衫郎得着眼見花開又
花落

俞節婦

早起口號

喔喔隣雞三唱足舅姑在高堂穉子牽衣哭
誰道天未明簷前見紅旭

陸卿子

西湖行

湖光蕩漾春山色湖上遊人不相識吳歌楚舞
競陽春越綺秦羅闔華飾朝浮桂楫入青冥暮
泛蘭橈向空碧碧空杳杳千萬里春風吹處開

桃李春風吹不盡知處惟有湖光山色無窮已
笑看湖上山愁對湖中隄昔日蘇子瞻築隄柳
未齊今日隄頭柳絮飛君遊何處不還歸舉手
攀樹樹無知回頭語人人更嗤君不見大禹功
多身亦死古墓蕭蕭飛野雉留侯詎作赤松遊
漢武空言能脫屣又不見東家翁千金買笑醉
新豐一朝自入黃泉裡兒啼妻泣空堂中又不
見紫宮夫人畏華落只恐君恩不如昨芳心欲
碎學歌舞歌學成恩已薄可憐落華滿芳草

一見一回人一老流鶯千轉自緝蠻日落湖山
空浩浩借問青天孤月光明年再來誰更强

贈毗陵安美人

去年花發毗陵道美人何處踏瑤草今年草綠
姑蘇臺美人此時花底來風吹羅袂香不定流
波蕩漾光徘徊不逐行雲作飛雨夢裡鉛華學
神女坐久煙霞拂袂生迴眸愁向空中舉水遠
山長不見君空令樹上黃鸝語

徐媛

秋夜效李長吉體

紫臺孤烟掃白壁綽綽餘涼動瑤瑟一葉桐飄
驚素秋絡緯聲悲風浙颺紅蘭凝露胭脂泣古
槐霜飛影圓魄思妾深閨聽暮砧剪裂齊紈響
刀尺歷歷星橫駕鵲橋嫦娥桂殿坐終宵穿線
月明花爛熳曝衣樓掩瑞烟消天空澹澹明河
白宛轉轆轤響唧唧木末芙蓉倚沼生池塘新
水浮雙鴨

後行路難

蛺蝶交飛春影弄冰簾燕語銀鈎重暗柳着烟
亞短墻滿欄日色簫聲送思妾停針午窻夢垂
雲蹙枕低斜鳳梨花小幙生晝涼瑤席香葱展
象床珊瑚作梁琥珀桁芙蓉斗帳玉爲廊洛陽
年少新豐舍繫馬黃金紫絲袴雙蹄合踏杜陵
花沽酒城頭不論價五侯七貴競豪奢銀闕金
丸油壁車龍沙細柳將軍幙紫閣蘭臺萬戶家
吁嗟人事安可度旖旎朝華暮成落功高不數
淮陰狗勢盈空憶華亭鶴盛衰環轉浩無端滿

卷五
眼誰能定哀樂自來惟見青松根年年翠葉凌
嬌春

朝鮮女子二人

許景樊

山嵐

暮雨侵江曉初闢朝日染成嵐氣碧經雲緯霧
錦陸離織破瀟湘秋水色隨風宛轉學佳人畫
出雙蛾半成蹙俄然散作雨霏霏青山忽起如
新沐

湘絃謠

蕉花泣露湘江曲九點秋烟天外綠水府涼波
龍夜吟蠻娘輕曼玲瓏玉離鸞別鳳隔蒼梧雨
氣侵天迷曉珠間撥神絃石壁上花鬟月鬢啼
江姝瑤空星漢高超忽羽蓋金支五雲沒門外
漁郎唱竹枝銀潭半掛相思月

洞仙謠

紫簫聲裡彤雲散簾外霜寒鸚鵡喚夜闌孤燭
照羅帷時見踈星度河漢丁東銀漏響西風露

滴梧枝語夕蟲鮫鮎帕上三更淚明月應留點
點紅

李淑媛

古別離

西隣女兒十五時笑殺東隣苦別離豈知今日
坐此恨青鬢一夜垂絲絲愛郎無計繫驄馬滿
懷都是風雲期男兒功名自有日女子盛歲忽
已馳吞聲那敢歎離別掩面却悔相見遲聞郎
已過康城縣抱琴獨對南江湄妾身恨不似江

鴈翩翩羽翮遙相隨粧臺明鏡棄不照春風寧
復舞羅衣天涯魂夢不識路人生何用慰愁思

楊慎妻黃氏

文君

臨卽重客蜀相如被服容冶人間都上宮烟娥
笑迎客繡屏六曲紅氍毹霰珠穿簾洞房晚歌
倚瑤琴半羞懶天寒日暮可奈何斜挂冠纓玉
釵縮

鶯鶯

春風戶外花蕭蕭綠窓繡屏阿母嬌白玉郎君
恃恩力尊前心醉雙翠翹西窓月冷濛花霧落
霞零亂搖牆樹此夜靈犀已暗通玉環寄恨人
何處

章節婦

見志詩

誰言妾有夫中路棄妾自先殂誰言妾無子側
室生兒與夫似兒讀書妾辟纊空房夜夜聞啼
烏兒能成名妾不嫁良人瞑目黃泉下

名媛尹氏

病愁

瘦日無光照窓白枯樹杈枒霜似雪長天雲凍
野爲愁寒鳥亦自求其穴我今病苦在何鄉終
日狂風辣塵揚病裡思家無一夢獨坐書齋近
佛香寂寞長安萬里日風烟渺渺斷人腸

漸香窸窣頭安萬里

日玉風轉壘對幽思家無一夢斷坐書齋度

理為愁寒鳥亦自來其火非今誰苦玉

數日無光照窓白卦樹外神蕭以雲去天雲東

詠愁

兒氏丸

名媛彙詩第六卷目錄

五言絕句

唐

徐惠

粧殿答太宗

武后

遣使宣詔幸上苑

七歲女子

送兄

郎大家宋氏

采桑

喬氏

詠破簾

郭紹蘭

燕足寄夫

王韞秀

請偕行

天寶宮人

題落葉詩

題梧葉詩

宣宗宮人韓氏

紅葉詩

蔣韞

贈故人

馬真妻

鎖袍詩

張夫人

誚喜鵲

張文姬

雙槿樹

池上竹

沙上鷺

溪口雲

楊德鱗

題奉慈寺

薛瓊

賦荆門

張瑛

望月

廉氏

懷遠

崔萱

古意

湘驛女子

題玉泉

李冶

春閨怨

結素魚貽友人

崔鶯鶯

明月三五夜

絕微之

鮑四絃

勸韋酒歌

劉采春

囉噴曲五首

薛濤

春望詞四首

風

宣上人見示與諸公唱和

聞蟬

月

池上雙鳥

罰赴邊有懷上帝令公二首

鴛鴦草

續父井桐吟

王氏

贈李生

嵩山女

贈任生二首

顏令賓

病中見落花

華州王氏

贈李章武二首

陸濛妻蔣氏

應聲吟

宋

朱淑貞

書窗卽事二首

長宵

黃淑

詠竹

永安驛女

題驛壁

丁湓妻

寄外

崔球妻

寄外

謝希孟

題芍藥

汴梁宮人

宮詞十五首

鮑氏

題信州杉溪驛

賈蓬萊

詠蝶

李清照

夏日絕句

貴妃閣

分得知字韻

李少雲

梅花詩

戴伯齡

寄林士登二首

周月仙

舟中自歎

楊氏女

楊謝聯句二首

溫婉

初冬有寄

杜巧兒

截髮詞贈裴生

元

管夫人

畫梅

劉宜

賦庭栢

孫蕙蘭

綠窗遺稿五首

鄭允端

題明皇並轡圖

明

朱靜菴

雨中寫懷

潘氏

重陽二首

月下思

隨任金陵
泊舟南浦

題畫

秋月四首

蓮塘二首

王素娥

悶懷

孟淑卿

題畫

金陵妓

詠骰子

馬氏

暮秋

有感

董夫人

采蓮曲

陸卿子

送范夫人從宦遊滇南五首

山中卽事

贈婢

相逢行

徐媛

撓步二首

贈麗人二首

寄團扇與表妹

春日家園卽事

尹氏

夜雨

兀坐

雨後江望

野望二首

孔氏

送夫

周文

詠懷

景翩翩

怨辭二首

王微

夜月

端淑卿

採蓮

思姪女

朝鮮女子

許景樊

雜詩三首

俞汝舟妻

貧女吟

賈客詞

李淑媛

採蓮曲

成氏

倚雲樓

六言詩

唐

魚玄機

隔漢江寄子安

寓言

薛濤

詠八十一顆

李冶

八至

明

朱靜菴

惜春

昔春

朱精蘊

四

古今名媛五言絕句卷之六

閩中鄭文昂季卿甫編輯

唐

徐惠

粧殿答太宗

朝來臨鏡臺粧罷暫徘徊千金始一笑一召詎能來

武后

遣使宣詔幸上苑

名媛彙詩

卷六

明朝遊上苑火速報春知
花須連夜發莫待曉風吹

七歲女子

送兄

別路雲初起離亭葉正飛
所嗟人異鴈不作一行歸

郎大家宋氏

采桑

春來南鴈歸日去西蠶遠
妾思紛何極君遊殊

未返

喬氏

詠破簾

已漏風聲罷繩持也不禁
一從經絡節無復有貞心

郭紹蘭

燕足寄夫

我壻去重湖臨窗泣血書
慙慙憑燕翼寄與薄情夫

王韞秀

請偕行

路掃饑寒跡天哀志氣人休零別離淚携手入西秦

天寶宮人

題落葉詩

舊寵悲秋扇新恩寄早春聊題一紅葉將寄接流人

題梧葉詩

一入深宮裏年年不見春聊題一片葉寄與有情人

宣宗宮人韓氏

紅葉詩

水流何太急深宮盡日間慙懃謝紅葉好去到人間

蔣韞

贈故人

昔別容如玉今來鬢若絲淚痕應共見腸斷阿

誰知

馬真妻

鎖袍詩

玉燭製袍衣金刀呵手裁鎖情寄千里鎖心終不開

張夫人

誚喜鵲

疇昔鴛鴦侶朱門賀客多如今無此事好去莫相過

張文姬

雙槿樹

綠葉競扶踈紅姿相照灼不學桃李花亂向春風落

池上竹

此君臨此池枝低水相近碧色綠波中日日流不盡

沙上鷺

沙頭一水禽鼓翼揚清音只待高風便非無雲

漢心

溪口雲

一片溪口雲纔向溪中吐不復歸溪中還作溪頭雨

楊德鱗

題奉慈寺

日月金輪動旃檀碧樹秋塔分鴻鴈翼鐘掛鳳凰樓

薛瓊

賦荆門

黃鳥翻紅樹青牛卧綠苔諸官歌舞地輕霧鎖樓臺

張瑛

望月

天漢涼秋夜沉沉一鏡明山空猿屢嘯林靜鶴頻驚

廉氏

懷遠

青林有蟬響赤日無鳥飛徘徊東南望雙淚空
沾衣

崔萱

古意

灼灼葉中花夏菱春又芳明明天上月蟾缺圓
復光

湘驛女子

題玉泉

紅葉醉秋色碧溪彈夜弦佳期不可再風雨香

如年

李冶

春閨怨

百尺井欄上數株桃已紅念君遼海北拋妾宋
家東

結素魚貽友人

尺素如殘雪結爲雙鯉魚欲知心裏事看取腹
中書

崔鶯鶯

明月三五夜

待月西廂下迎風戶半開隔牆花影動疑是玉人來

絕微之

棄置今何道當時且自親還將舊來意憐取眼前人

鮑四絃

勸韋酒歌

白露濕庭砌皓月臨前軒此時去留恨含思獨

無言

劉采春

囉噴曲五首

不喜秦淮水生憎江上船載兒夫壻去經歲又經年

借問東園柳枯來得幾年自無枝葉分莫怨太陽偏

莫作商人婦金釵當卜錢朝朝江口望錯認幾人船

卷六
那年離別日只道在桐廬桐廬人不見今得廣
州書

昨日勝今日今年老去年黃河清有日白髮黑
無緣

薛濤

春望詞四首

花開不同賞花落不同悲欲問相思處花開
花
落時

檻草結同心將以遺知音春愁正斷絕春鳥復

哀吟

風花日將老佳期猶渺渺不結同心人空結同
心草

那堪花滿枝翻作兩相思玉箸垂朝鏡春風知
不知

風

獵蕙微風遠飄絃唳一聲林梢明浙瀝松徑夜
淒清

宣上人見示與諸公唱和

許厠高齋唱消泉定不如可憐譙記室流水滿
禪居

聞蟬

露滌清音遠風吹故葉齊聲聲似相接各在一
枝棲

月

魄依鉤樣小扇逐漢機團細影將圓質人間幾
處看

池上雙鳥

雙棲綠池上朝暮共飛還更憶將雛日同心蓮
葉間

罰赴邊有懷上韋令公二首

聞說邊城苦如今到始知好將筵上曲唱與隴
頭兒

點虜猶違命烽烟直北愁却教嚴譴妾不敢向
松州

鴛鴦草

綠英滿香砌兩兩鴛鴦小但娛春日長不管秋

風早

續父井桐吟

庭除一古桐，聳榦入雲中。
枝迎南北鳥，葉送往來風。

王氏

贈李生

念子還相思，見環重相憶。
願君永持玩，循環無端極。

嵩山女

贈任生二首

我居籍上清，謫居遊五嶽。
以君無俗累，來勸神仙學。

葛洪亦有婦，王母亦有夫。
神仙盡美匹，君子意何如。

顏令賓

病中見落花

氣餘三五喘，花剩兩三枝。
話別一樽酒，相邀無後期。

華州王氏

贈李章武二首

河漢已傾斜
神魂欲超越
願郎更迴抱
終天從此別

昔辭懷後會
今別便終天
新悲與舊恨
千古閉重泉

陸濛妻蔣氏

應聲吟

平生偏好酒
勞爾勸吾餐
但將樽中滿
時光度

不難

宋

朱淑貞

書窗卽事二首

花落春無語
春歸鳥自啼
多情是蜂蝶
飛過粉牆西

一陣挫花雨
高低飛落紅
榆錢空萬疊
買不住春風

長宵

霜月照人情迢迢夜未闌鴛幃夢展轉珠淚向誰彈

黃淑

詠竹

勁直忠臣節孤高烈女心四時同一色霜雪不能侵

永安驛女

題驛壁

無人解妾志日夜常如醉妾不是瓊奴意與瓊

詞類

丁渥妻

寄外

淚濕香羅袖臨風不肯乾欲憑西去鴈寄與薄情看

崔球妻

寄外

數日相望極須知志氣迷夢魂不怕險飛過大

江西

名媛彙詩

卷六

十一

謝希孟

好是一時艷本無千歲期所以譖相贈載之在
聲詩

汴梁宮人

宮詞十五首

一入深宮裏經今十五年長因批帖子呼去御
牀前

歲歲逢元夜金蛾鬧簇巾見人心自怯終是女

兒身

殿前輪直罷偷去賭金釵怕見黃昏月慙慙上
玉階

翠翹朱掘背小殿夜藏鈎驀地羊車至低頭笑
不休

內府頒金帛教酬賀節盤御宮新有旨先與問
孤寒

人間多棗栗不到九重天長被黃鸝更花攤月
賜錢

仁聖生辰節君王進玉卮壽棚兼壽酒留待北
還時

邊奏行臺急東華夜啓封內人推步輦不候景
陽鐘

畫燭雙雙引珠簾一一開輦前齊下拜歡飲辟
寒盃

聖躬香閣內只道下朝遲扶杖嬌無力紅綃貼
玉肌

今日天顏喜東朝內閣開外邊農事動詔遣教
坊回

駕前雙白鶴日日候朝回自送鑾輿去經年更
不來

別殿宮刀響倉皇接鄭王尚愁宮正怒含淚強
添妝

一向傳宣喚誰知不復還來時舊鍼線記得在
窻間

北去遷河漠誠心畏從行不知當日死頭白苦
爲生

鮑氏

題信州杉溪驛

溪驛號名杉
烟花滿翠嵐
誰知今夜好
宿處是江南

賈蓬萊

詠蝶

薄翅凝香粉
新衣染媚黃
風流誰得似
兩兩宿花房

李清照

夏日絕句

生當爲人傑
死亦作鬼雄
至今思項羽
不肯過江東

貴妃閣

金環半后禮
鈎弋比昭陽
春生栢子帳
喜入萬年觴

分得知字韻

學詩三十年
緘口不求知
誰遣好奇士
相逢說項斯

李少雲

梅花詩

素艷明寒雪清香任晚風
可憐渾似我零落此山中

戴伯齡

寄林士登二首

潛步下高堂凭欄凝望郎
薄情人不到空惹一身霜

默默倚欄干無緣對面看
若逢元夕夜便可到

巫山

周月仙

舟中自歎

自歎身爲妓遭淫不敢言
羞歸明月渡懶上載花船

楊氏女

楊謝聯句二首

珠簾半牀月青竹滿林風

楊

何事今宵景無人

解與同謝

春盡花隨盡其如自是花楊從來說花意不過

此容華謝

温婉

初冬有寄

萬木凋零苦樓高獨凭欄綉幃良夜永誰念怯

孤寒

杜巧兒

截髮詞贈裴生

截髮爲君贈粧臺寄意深願隨常作髮妾罷白

頭吟

元

管夫人

畫梅

雪後瓊枝嫩霜中玉蕊寒前村留不得移入月

中看

劉宜

賦庭栢

羣卉枯落時挺節成孤秀既保歲寒心不在選

年壽

孫蕙蘭

綠窗遺稿五首

燈前催曉粧把酒向高堂但願梅花月年年映
壽觴

采閣閉朝寒妝成擬問安忽聞春雪下喚婢捲
簾看

粲粲梅花樹盈盈似玉人甘心對冰雪不愛艷
陽春

小小春羅扇團團秋月生蟠桃花樹裏綉得董
雙成

自拂雙眉黛何曾慣得愁若教如翠柳便恐不
禁秋

鄭允端

題明皇並轡圖

三郎沉醉後上馬玉環隨如何西幸日不是並
鞍時

明

朱靜菴

雨中寫懷

茅屋無客過蒼苔滿庭綠誰憐楊子居寥寥苦
幽獨

潘氏

重陽二首

落葉風雨裏窗前滿地紅飛禽鳴老樹白月正
當空
獨坐小窗下幽蛩不絕鳴青天孤月淨滿耳是

秋聲

月下思

隨任金陵
泊舟南浦

孤舟橫野渚明月照當空十年江海意疑在小
亭東

江上

江上水正平日照西江口遠樹一尺長岸濶風
吹柳

題畫

屋傍青山下人歸蒼莽中未開雲外戶先聽水

名媛彙詩

卷六

邊松

秋月四首

園亭當水中兩岸蘆花雪夜深人未眠碧水蕩
秋月

寒月悠悠靜窗前慘淡風荒山黃葉舞秋色滿
江中

風灑小園竹珊珊琅玕玉月白長空霄冷光浸
碧綠

暮雲棲野樹秋水蕩寒波板橋明月夜織女渡

天河

蓮塘二首

月自東山上風從渡口生孤舟蕩烟水滿袖藕
花香

溪水流東去垂楊對我門淒涼斷橋路殘月照
黃昏

王素娥

悶懷

妾淚非易彈鄉關渺千里心事與愁腸相對何

人語

孟淑卿

題畫

嶺樹盤雲轉溪紆路亦斜晚來煙靄合無處認山家

金陵妓

詠骰子

一片寒微骨翻成面面心自從遭點汗拋擲到于今

馬氏

暮秋

野色滿園中閒情立晚風菊花含雨艷楓葉醉霜紅

有感

春風零落後秋圃恨開遲總是宜男草傍人也未知

董夫人

采蓮曲

名媛彙詩

卷六

看山望湖南乘風往湖北綽約蕩輕舟荷花減
顏色

陸卿子

送范夫人從宦游滇南五首

日暮送行人離愁滿江潄江雲慘不飛相對兩
無語

君顏曄曄紅余髮蕭蕭白欲盡平生歡車徒滿
行陌

祖席猶未陳胡爲忽離別莫遣嶺上雲飛來掩

車轍

那聽澗底泉那窺松際月待子山中來相攜苧
羅鞵

相見情已深相別愁人心借問此何爲爲君多
好音

山中卽事

客去鳥還啼山空泉復響風送落花來片片增
波上

贈婢

剪破楚山雲繪作芙蓉履有時渡湘江片片隨
秋水

相逢行

白馬騎青雲金鞭拂紅霧相逢不識言各自東
西去

徐媛

曉步二首

早月璜初退殘霞落古丘
靨星臨曉樹江影帶烟流

一片滄浪白晨光上紫闌曉
烏啼不散着意在輕寒

贈麗人二首

睂黛妬芳春眼波橫秋月
婀娜步花叢風來輕袂揭

弱體不勝秋無聊支永晝
何處最關情竹影搖清溜

寄團扇與表妹

團團白紈扇皎同素月艷
搖曳掠春烟掩映如

花面

春日家園卽事

名花遶砌生野竹參差碧微風捲幙開幽香散
綺陌

尹氏

夜雨

秋風吹黃草細雨落松聲孤燈如欲滅敗葉滿
窗鳴

兀坐

夜深秋月冷小露葉上垂四壁寒悄悄清夜聽
琴時

雨後江望

雨後水更明秋風漸漸聲寒天白露滿江上曉
烟橫

野望二首

野望無山色長天一抹清陌樹齊如畫其下有
人行

旭日樹之半遙烟淡淡寒荒村藏柳內長路曉

霜相殘

孔氏

送夫

君行萬里舟妾送登南樓相望不相見江水空
悠悠

周文

詠懷

幾點愁人淚不許秋風吹吹到長江裏江流無
盡期

景翩翩

怨辭二首

豈曰道路長君懷自阻止妾心如車輪日日萬
餘里

妾作溪中水水流不離石君心似楊花隨風無
定跡

王微

夜月

寒湖浮夜月清淺幾迴波莫道無情水情人當

奈何

端淑卿

採蓮

風日正晴明荷花蔽洲渚不見採蓮人只聞花

下語

思姪女

一水連天遠愁多兩鬢斑夢魂不知險風雨過

溪山

朝鮮女子

許景樊

雜詩三首

梧桐生嶧陽斲取為鳴琴一彈再三歎舉世無

知音

我有一端綺今日持贈郎不惜作君袴莫作他

人裳

精金明月光贈君為雜佩不惜棄道傍莫結新

人帶

俞汝舟妻

貧女吟

夜久織未休
憂憂鳴寒機
機中一疋練
終作阿誰衣

賈客詞

朝發宜都渚
北風吹五兩
船頭各澆酒
月下齊盪漿

李淑媛

六言詩

唐

魚玄機

隔漢江寄子安

江南江北愁
望相思相憶
空吟鴛鴦暖
卧沙浦
鷓鴣閑飛橘
林烟裏歌聲
隱隱渡頭月
色沉沉
含情咫尺千
里况聽家家
遠砧

寓言

紅桃處處春
色碧柳家家
月明樓上新
裝待夜

銘媛彙詩

卷六

閨中獨坐含情芙蓉月下魚戲蝶竦天邊雀聲
人世悲歡一夢如何得作雙成

薛濤

詠八十一顆

色比丹霞朝日形如合浦篋管開時九九知數
見處雙雙頡頏

李冶

八至

至近至遠東西至深至淺清溪至高至明日月

採蓮曲


蓮葉裁成幄蓮絲織作裳清芳殊不歇持此贈

仙郎

成氏

倚雲樓

登臨無限意春意獨搔頭虛榻松鳴雨村田
借秋



卷六

程